

Date - 29/07/2024

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Revenue Minister Pu B. Lalchhanzovan tunlai thiamna hmangin, Mizo mipuite tana awlsam leh chak zawka hna thawh a ni dawn a ti.
2. Cyclone Remal vanga vanduaina leh harsatna tawk zinga naupang 41 te hnenah vawiin khan Social Welfare, Tribal Affairs, Women & Child Development Department Minister Pi Lalrinpuiin chhawmdawlina a hlan.
3. Union Tribal Affairs Minister, Jual Oram-a'n ramchhunga tribal-te dawm kannu tur scheme chi hrang hrang atana sum ruahman zaa 73-in a pung tih a sawi.
4. Assam Police-ten ruihhlo Methamphetamine, cheng vbch 9 hu an man.

<><><>

MINISTER PRESS CONFERENCE

Revenue Minister Pu B. Lalchhanzova chuan tunlai thiamna hmangin, Mizo mipuite tana awlsam leh chak zawka hna thawh a ni dawn tih a sawi.

Vawiin khan Pu B. Lalchhanzova hian a Pisa-ah chanchinbu mite a kawm a, Land record mumal taka siam a nih theih nana hmalak a ni dawn tih sawiin, LSC hmingthlak, ram teh, house pass dil, surveyor detailment leh a dangte chu online hmanga dil leh Common Service Centre kal tlangin dil theih a ni dawn, a ti a. AMC chhungah Online Land Tax Payment kalpui mek a ni tih sawiin, Mizoram pumah pawh kum 2025 ral hma ngeiin Online Tax Payment kalpui a nih theih nan hmalak mek a ni, a ti bawk.

Revenue Minister chuan thawktu indaih loh chungchang sawiin, surveyor indaihlohna puhruk a nih theih nan surveyor lak belh a nih tur thu leh sorkar in private surveyor Empanel Firm an chhawr tur thu a sawi a. District thar pathum - Saitual, Khawzawl leh Hnahthiala Revenue Office te chu thum chak an ni dawn tih sawi bawkin, hna thawktu pawh lak tura ruahmanna siam a ni, a ti.

Pu B. Lalchhanzova chuan Aizawl Municipal Corporation (AMC) huam chhunga House Pass dilna form Minister hnena dil ngai thin chu mipui te tana awlsamna ngaihtuahin tihtawp a nih thu a sawi a. Heng bakah hian Revenue Dept chuan Central Sector Scheme chak zawka kalpui a nih theih nan Digital India Land Record MoDernisation Programme (DILRMP) leh Survey of Villages and Mapping with Improvised Technology in Village Areas (SVAMITVA) te kalpui mek a ni, a ti.

Mipui tana thil awlsam zawk tur ngaihtuah a ni thu sawiin Minister chuan, Aizawlah Settlement Office North leh South siama Geographical Area felfai taka neih a nih theih nan hmalak niin Aizawl District-a khua leh veng te chhim leh hmar a thenin, veng awmna lamah office dawr tura ruahmanna siam mek a ni, a ti.

ADC

Tunhnai a Aizawl leh Delhi tlawha zin LADC a Chief Executive Member leh Deputy Chairman ten vawiin khan Lawngtlai a thuthar thehdarhtute kawmin, an zinchhuahna chuan rah duhawm a chhuah ngei an beisei tih an sawi.

CEM, Pu C.Lalmuanthanga Office Chamber a Chanchinbumite an kawmna ah CEM chuan Mizoram Sorkar a Tourism Minister Pi Rinpuii hnen ah LADC huamchhunga Toutist Lodge te chu LADC enkawlina hnuaiia dahtura an thlen chu Minister chuan a lo danwgsawng tha hle tih sawiin, a hmunhma erawh State Sorkar kut ah la awmzui se a duh thu Minister hian a lo hrilh niin a sawi a, UD&PA Director Pu Andrew H.Vanlaldika hnen ah UD&PA hmalakna tamzawk Lawngtlai khawpui ah hnuhluh a nihtheih nan rawtna a thlen te, Minister dang bakah Governor hnen an mamawh an thlente chu thataka an lo dawnsawna ah CEM chuan lawmthu a sawi.

Pu C.Lalmuanthanga chuan Delhi a an cham chhungin Hmarchhak a Autonomous District Council ten thuneihna sang zawk an neih theih nana hmalak zel dan tur ngaihtuahin Autonomous District Council hruaitute an inhmukhawm tih sawiin, Home Minister bakah mipawimawh dang an hmuhte chuan ruahmanna an lo siam te tha an tihpuiin, a huntur sawilawk theih nilo mahse, Autonomous District Council ten thuneihna lian zawk an neihtheih nan Central Sorkar chu a phurin a hlawhtlin ngei beiseina an nei lian hle niin a sawi.

LADC a Deputy Chairman Pu H.Lalmuansanga chuan Autonomous District Council ten thuneihna lianzawk an neihtheih nan a an nawr zingah mipui nawlpuiin Direct Finance ti a an hriat chu, Sorkar kaldan ah Direct in Central leh Autonomous District Council te chu State Sorkar kaltlang lovin sum chungchangah an indawr a rem lova, State Sorkar atanga an budget turte ruahmanna awm thin chu her danglam hretin, Sorkar laipui sumbawm ah Autonomous District Council te chanvo tur dah chu an duhber a ni tih sawiin, chu chuan State Sorkar thlawhkhum lam a kawk lova, State Sorkar tan pawn a zangkhai phah zawk dawn a ni a ti.

<><><>

CYCLONE REMAL VICTIM COMPENSATION

Women & Child Development (WCD) hnuiaia scheme pahnih, Mission Vatsalya leh Mission Shakti-te kaltlangin Cyclone Remal vanga vanduaia leh harsatna tawk zinga naupang 41 te chu vawiin khan Social Welfare, Tribal Affairs, Women & Child Development Department Minister Pi Lalrinpuiin chhawmdawlna a hlan a,

Minister chuan khuarel chhiatna tuartu naupangte chu 'The Juvenile Justice (Care and Protection of Children) Act, 2015 chuan a bika enkawl leh venhim ngai (Children in need of care and Protection) a tihte zing ami an nih avangin ngaihpaawimawh an ni, a ti. Sawrkar atanga tanpuina awm ang angte hmanga tuamhlawm an nih tur thu a sawi a ni.

Aizawl District Child Protection Unit leh Child Welfare Committee chuan May ni 31 atanga July ni 5 chhung khan Aizawl leh a chhehvel hmun hrang hranga Cyclone Remal-in chhiatna a thlen tuartu naupangte zirchiangin , he chhiatna thlengin a nghawng zingah hian naupang 96 an tel tih an finfiah a, He chhawmdawlna programme-ah hian Mission Shakti hnuiaia Beti Bachao, Beti Padhao (BBBP) atangin hmeichhe naupang 28 tan SSA Account hawn sak an ni a. Naupangte'n ei leh in tur tha an neihna turte, an lehkha zirna puitu tur leh hriselna tha an neih theihna atana an inenkawlina turin Mission Vatsalya hnuiaiah Juvenile Justice Fund atangin naupang 16 te kum khat chhung atan thla tin cheng 2,000/- theuhin sum leh paia chhawmdawlna pek an ni a. Heng bakah hian naupangte hi gift package pek niin, mi inphalte'n stationery item-te an pe bawk a ni.

He hun hmannaah hian Directorate of Women & Child Development leh Aizawl Head Post Office-a thawktute an tel a ni.

<><><>

WORLD HEPATITIS DAY

Health & Family Welfare Department leh pawl hrang hrang tangrualte huaihawtin World Hepatitis Day 2024 chu vawiin khan Aizawlah hman a ni a,

Health Minister Pi Lalrinpuii hovin he hun hi hman niin National Health Mission, NVCHP, MSACS, PATH leh SHALOM Society hruaitute bakah, Aizawl West College, Aizawl North College leh ICFAI University-a zirlaite an tel a, mithiamte hnen atangin Hepatitis chungchanga hriattur pawimawh te ngaihthlak a ni.

Pi Lalrinpuii chuan khawvel pum huap pawhin Hepatitis chu um bo tura chak taka hmalak mek zel a nih thute, he mi atan hian mi tinin chanvo pawimawh tak an neih theuh bakah mipui vantlang hnenah pawh zau zawka heng thute hi puanzarpui turin kalkhawmte a sawm a ni.

Health and Family Welfare Department Principal Director Dr. Vanlalsawma hova World Hepatitis Day puala hmannaah hian a duh apiang tan Health Department-a thawktute'n a thlawnin Hepatitis leh HIV test an tihsak nghal a ni.

<><><>

SAITUAL DIST CONSUMER

Vawiin khan Saitual District Consumer Protection Council Committee vawi 1na chu Saitual Bawrhsap Dr Lalngura Tlau hovin DC Conference Room-ah an thukhawm a, he hunah hian District Consumer Protection Council hmaklakna tur hrang hrang leh hriat tur pawimawh inhrilhhriatnate neih a nih bakah thil tul dang pawimawhte sawi ho a ni.

Chairman chuan mipuiten an dikna chanvo an hriat tawk loh avangin sumdawng ten sum tam tak an ei sak fo thin, a ti a, mipuiten mahni dikna theuh hrechiang lehzial tura veng emaw khawtina consumer union din tha a tih thu a sawi bawk.

Mipuite chu consumer leh service provider an nih kawp fo avang in buaina leh harsatna tamtak a awm thin a, chutihrualin, inbumna kawng tam tam tak laka mitinten

an dikna chanvo theuhte an humhalh theih nan theihtawp chhuah tlang theuh turin kalkhawmte a chah bawk.

Meeting ah hian District Level Consumer Protection Council memberte atangin consumerte'n harsatna an tawh thinte an sawi bakah Legal Metrology awm tura hmalakte, mipuite hnena awareness neih dan turte, ration card leh gas chungchanga harsatna awm thin chinfel dan turte leh thu pawimawh dangte rel a ni.

Meeting ah hian Line department aiawh, Mizoram merchant Association ,Saitual District Consumer Union aiawh bakah NGO aiawhte an tel a ni.

<><><>

JUAL ORAM

Union Tribal Affairs Minister, Jual Oram-a'n ramchhunga tribal-te dawm kanna tur scheme chi hrang hrang atana sum ruahman chu zaa 73-in a pung a ni, a ti.

Nimina Agartala-a thuthar lakhawmtute a kawmnaah he thu hi sawiin Pu Oram-a chuan kum 2024-2025 Union Budget-ah tribal-te tana scheme chi hrang hrang kalpui nan cheng vbch 13,000 ruahman a ni, a ti a, mirethei leh hmeichhiate chawikana tih chakna tur bakah thalaite tana eizawinna tur kawng siamte ngaih pawimawh a ni ang, a ti bawk.

Northeast Special Infrastructure Development Scheme hnuaiah Tripura tan cheng vbch 458 senna tur project 14 pawm anih thu pawh sawiin Minister chuan Pradhan Mantri Janjati Unnat Gram Abhiyan Scheme hnuaiah ramchhunga thingtlang khua 63,000-ah hmasawinna hna hrang hrang kalpui a ni ang, a ti bawk.

<><><>

ASSAM DRUGS SEIZE

Assam Police-ten Cachar dist-ah Methamphetamine, cheng vbch 9 hu leh a neitua puh mi 1 an man. An thudawn bawhzuia nizana Katakhal-a beihpui an thlaknaah

police-te hian methamphetamine, Yaba tia sawi baw, mum sing 3 a, ruihhlo phurhna atana hman lirthei ke 2 nei chi pawh an man baw. Police-te chuan heng ruihhote hi Myanmar atanga tawlh luh, ramchhung hmun danga thawn chhuah tur anih an ring a ni.

<><><>